



Idhini Iliyoarifiwa ya Hiari

Kwa shughuli yoyote ya utafiti au kukusanya data

Utangulizi

Kabla ya shughuli yoyote ya utafiti au kukusanya data kufanyika ni muhimu kuhakikisha kwamba washiriki wanatoa idhini yao iliyoarifiwa kwa hiari. Hii inaweza kutolewa kwa kutia sahihi katika fomu au kuonyesha kwa maneno kwamba wanaelewa maelezo ya ushiriki wao na wanakubali kushiriki katika shughuli hiyo ya kukusanya data.

Ni muhimu kuhakikisha kwamba kile kinachowasilishwa kwa washiriki kinaeleweka vizuri nao, kwa hivyo ikiwa unawataka kusoma fomu au kusikiliza mtu mwingine akisoma habari hiyo ni wazo zuri kuangalia tena na mshiriki mara kwa mara ili kuhakikisha kuwa maudhui yanaeleweka vizuri.

Lugha inayotumiwa kuwasilisha habari na kanuni hizi inapaswa kupitiwa na timu yako ya utafiti katika eneo husika ili kuhakikisha kuwa ni muhimu na inafaa kwa wasikilizaji wako.

Unapaswa kuzingatia nini?

- Umri wa mhojiwa
- Lugha wanayozungumza
- Mahitaji yoyote ya ziada au marekebisho ambayo wanawenza kuhitaji ili kuelewa taratibu za idhini, yaani, ikiwa inahitaji kutafsiriwa, kusomwa kwa sauti, kutolewa katika lugha ya ishara na kadhalika.
- Ikiwa wana uwezo wa kutoa idhini iliyoarifiwa wao wenyewe, au wanahitaji mlezi au mwangalizi kufanya hivyo
- Ikiwa ni salama kwao kushiriki na kutoa idhini ya shughuli za utafiti
- Ni nini hasa unawauliza watoe idhini kuhusu? Ikiwa kuna uwezekano wowote kwamba habari wanayotoa itatumika au kushirikiwa kwa njia tofauti na kusudi la awali ni muhimu kuhakikisha kuwa hili linawasilishwa na kueleweka.

Ni muhimu kuandaa na kusoma hati kamili ya mchakato wa idhini ili kuhakikisha hakuna jambo ambalo halijajumuishwa.

Maeneo muhimu ambayo yanapaswa kujumuishwa wakati wa kutafuta idhini ya kuarifiwa ya hiarini.

1.	Majina ya watafiti / wanaokusanya data, na jina la shirika linalotekeleza shughuli ya kukusanya data
2.	Lengo la utafiti - ni kwa nini unafanya hivi?
3.	Ni nini kinahusika katika kushiriki na kwa nini wameombwa kushiriki
4.	Faida na hatari za kushiriki
5.	Haki ya kujiondoa wakati wowote
6.	Fidia ambayo itatolewa kwao kufuatia ushiriki wao (usafiri, utunzi wa watoto, gharama za data na kadhalika)
7.	Jinsi data itakavyotumika
8.	Jinsi data itahifadhiwa kwa ufaragha
9.	Ni nini kitatokea kufuatia utafiti huu - ikiwa itafanywa kuwa ya umma na kushiriki wa kwenye mtandao, na kama ni hivyo kuna nafasi kwamba inaweza kushirikishwa au kuchapishwa na makundi mengine kwa malengo mengine.
10.	Jinsi matokeo ya utafiti yatakavyowasilishwa tena kwao
11.	Maelezo kuhusu jinsi ya kuwasilisha malalamiko ikiwa hawatafurahia au wana kero kuhusu jambo lolote linalohusiana na zoezi hilo la kukusanya data